



partii naleraq

Nuuk 25. April 2019  
UKA2019/121  
Pele Broberg Partii Naleraq

**Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.**

Inatsisartunut ilaasortaq Henrik Fleischer, Siumut

Partii Naleqqamiit siunnersuuteqartoq Henrik Fleischer siunnersuutaanut qutsaviginiarparput, imatut oqaasertalerlugu.

Imartatsinnut akisussaaffinnik oqartussaaneq, nunatta inuinit iluaqutissaasutut Partii Naleqqamiit isigaarput. Minnerunngitsumik maanna RAL aamma Eimskip suleqatigiinnissaannut pilersaarutit aallaavigalugit, nunatsinniit akisussaaffinnik oqartussaalernissaq pissusissamisoortutut isigalugu.

Ukiorpasuarnili aamma oqaluuserinikuusarput aqumiut atugassarititaat aaqiiiviginikuunagit, nalunaarusiaqqaqinnissaat pissusissamisoorsorinngilarput. 90/10 eqqartortarparput. Sooq 90/10? Sooq pissusissamisuunngila aqumiut tamakkiisumik nunatsinneersuunissaat najugaqartuunissaallu?

Nalunaarusiaq sananeqareerpoq. Aammalumi oqallisissiap qulequtaani allanngorsimasaq annerpaaq, tassa ukioq suna saqqummiinissaq, iliuuseqarfiginissaa tullinnguuppoq. Taamaammatt Partii Naleqqamiit allannguutissatut siunnersuutissatut innersuutissavarput ataatsimiititaliami susassaartumi arlariit ataqatigiissarlugit pisussaq una siunnersuutigissavarput:

“Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi Inatsisartut aalajangiiffigisassaattut saqqummiinissaannut peqquneqarnissaannik Inatsisartut aalajangiiffigisassaattut siunnersuut.”

Tunngavissatut Naalakkersuisut UKA2015/28 nassuiaasiernerat aallaavigalugu, nalunaarusiaat aallaavigalugu ullutsinnut naleqqussarlugu saqqummeeqqullugit.

Uagutsinnut aallaavigaluta nunarsuarmioqataaniarta. Inuiaavugut imaanik inuuniuteqartut, ukiuni tusintilikkaani imaani angalaartuuvugut, imaanilu inuussutissarsiortuulluta, taamaattumik nakkutilliinerup nunatsinnut nuunneqarnissaa taamaattussaannartut isigisariaqarluni, inuiaat allat sualummik issittormiuunngitsut pissutsit nalullugit qulaatiinnarluta aalajangersaaneratigut

immitsinnut artukkeqattaaginnassuugut, kingunerisarpaalu naleqqussarniaraluartilluta iluatsinnngitsutut misillertaratta, uffa killormut sinaakkusiorsuinissaq uagut pinngortitatsinnut uagutsinnullumi naleqqussartussa.

”Naalagaaffeqatigiinnerup” iluani una timitalerlugu iliuuseqarfigineqareernikuuvoq, tassami Savaliummiuni ukiorpaalunngulertuni akisussaaffik tigullugu ingerlanneqalernikummat iluatsilluartumik. Piffissap kingulliup iluani partiit tamattaagunartoq nassuiaaffigineqarnikuuvugut qanoq pisariunngitsigisumik aammalu allaat aningaasatigut iluanaarfiusumik aaqqiisoqarsinnaaneranik. Taamaattumik Partii Naleqqap pingaartilluinnagaata, tassalu misilittakkat qaammaasallu nunatsinni annertusiartortinnissaanut naapertuuttorujuummata una siunnersuut tamakkiisumik taperserparput.

Tassungalu atatillugu Naalakkersuisut piumaffigissavagut Savaliummiuni iluatsilluartumik iliuuserineqartoq uagutsinnut nuna inukittunut naleqquttumik aaqqiisimaneq qissimigaaqqullugu. Tassami imarsiornermik nakkutilliisoqarfik kisiat pinnagu aammali inuussutissarsiornermik suliffeqarfinnullu nakkutilliisoqarfik ukiorpaalunngulersuni ataatsikkoortillugit ingerlannikuuaat qulit ataallugit sulisulerlugu.

Taama isiortoqarsinnannginneranik suliluunniit suliaq aallartinngitsoq oqartarneq tassunga killeqartariaqarpoq. Akisussaaffinngooq nunatsinnut angerlartinniaaraanni ima imatullu akisutigisussaammat ajornarpumik isummertinniarneqartarneq, qularsaarinersuaq unitsinniarli, illuanik saperata isumaqalerniarta, piumassuseqaratta immitsinnullu tatigingatta.

Taamaattumik aammaarluta una siunnersuut tamakkiisumik taperserlugu, Sanaartornermi angallanermullu ataatsimiititaliamut aappassaaneerneqannginnermini sukumiisumik suliarineqanissaa innersuussutigaarput.

Qujanaq